0.0.1 titthāyatana

0. sāvatthinidānam:

- 1. tīṇimāni bhikkhave titthāyatanāni, yāni paṇḍitehi samanuyuñjiyamānāni samanugāhiyamānāni samanubhāsiyamānāni parampi gantvā akiriyāya saṇṭhahanti. katamāni tīṇi: santi bhikkhave eke samaṇabrāhmaṇā evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃvā dukkhaṃ vā adukhamasukhaṃ vā, sabbaṃ taṃ pubbekatahetū'ti. santi bhikkhave eke samaṇabrāhmaṇā evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā, adukkhamasukhaṃ vā, sabbaṃ taṃ issaranimmāṇahetū'ti. santi bhikkhave eke samaṇabrāhmaṇā evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukhaṃ vā adukkhamasukhaṃ vā, sabbaṃ taṃ ahetuappaccayā'ti.
- 2. tatra bhikkhave ye te samaṇabrāhmaṇā evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā, sabbaṃ taṃ pubbe katahetū'ti. tyāhaṃ upasaṅkamitvā evaṃ vadāmi: saccaṃ kira tumhe āyasmanto evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukhamasukhaṃ vā, sabbaṃ taṃ pubbekatahetū'ti?. te¹ ce

¹te ca me - machasam.

me evam puṭṭhā āmā'ti paṭijānanti, tyāham evam vadāmi: tenahāyasmanto pāṇātipātino bhavissanti pubbekatahetu, adinnādāyino bhavissanti pubbekatahetu, abrahmacārino bhavissanti pubbekatahetu- musāvādino bhavissanti pubbekatahetu, pisunavācā bhavissanti pubbekatahetu. pharusavācā bhavissanti pubbekatahetu, samphappalāpino bhavissanti pubbekatahetu, abhijjhāluno bhavissanti pubbekatahetu, byāpannacittā bhavissanti pubbekatahetu- micchādiṭṭhikā bhavissanti pubbekatahetu.

- 3. pubbekatam kho pana bhikkhave sārato paccāgacchatam na hoti chando vā vāyāmo vā, idam vā karanīyam idam vā akaranīyanti. iti karanīyākaranīye kho pana saccato thetato anupalabbhiyamāne muṭṭhassatīnam anārakkhānam viharatam na hoti paccattam sahadhammiko samaṇavādo. ayam kho me bhikkhave tesu samaṇabrāhmaṇesu evamvādīsu evamdiṭṭhīsu paṭhamo sahadhammiko niggaho hoti.
- 4. tatra bhikkhave ye te samaṇabrāhmaṇā evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā, sabbaṃ taṃ issaranimmāṇahetu'ti, tyāhaṃ upasaṅkamitvā evaṃ vadāmi: saccaṃ kira tumhe āyasmanto evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā, sabbaṃ taṃ issaranimmāṇahetu'ti. te

ce me evam puṭṭhā āmāti² paṭijānanti, tyāham evam vadāmi: tena hāyasmanto pāṇātipātino bhavissanti issaranimmāṇahetu adinnādāyino bhavissanti issaranimmāṇahetu, abrahmacārino bhavissanti issaranimmāṇahetu, pisunavācā bhavissanti issaranimmāṇahetu, pharusavācā bhavissanti issaranimmāṇahetu, samphappalāpino bhavissanti issaranimmāṇahetu, abhijjhāluno bhavissanti issaranimmāṇahetu, byāpannacittā bhavissanti issaranimmāṇahetu. micchādiṭṭhikā bhavissanti issaranimmāṇahetu.

- 5. issaranimmāṇaṃ kho pana bhikkhave sārato paccāgacchataṃ na hoti chando vā vāyāmo vā, idaṃ vā karaṇīyaṃ idaṃ vā akaraṇīyanti. iti karaṇīyākaraṇīye kho pana saccato thetato anupalabbhiyamāne muṭṭhassatīnaṃ anārakkhānaṃ viharataṃ na hoti paccattaṃ sahadhammiko samaṇavādo. ayaṃ kho me bhikkhave tesu samaṇabrāhmaṇesu evaṃvādīsu evaṃdiṭṭhīsu dutiyo sahadhammiko niggaho hoti.
- 6. tatra bhikkhave ye te samaṇabrāhmaṇā evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā, sabbaṃ taṃ ahetuappaccayāti. tyāhaṃ upasaṅkamitvā evaṃ vadāmi: saccaṃ kira tumhe āyasmanto evaṃvādino evaṃdiṭṭhino: yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkha

²āmoti- machasam, syā, pts

masukham vā, sabbam tam ahetuappaccayā'ti? te ce me evam putthā āmā'ti patijānanti: tyāham evam vadāmi: tenahāvasmanto pānātipātino bhavissanti ahetuappaccayā, dinnādāyino bhavissanti ahetuappaccayā, abrahmacārino bhavissanti ahetuappaccayā, musāvādino bhavissanti ahetuappaccayā, pisunavācā bhavissanti ahetuappaccayā pharusavācā bhavissanti ahetuappaccayā, samphappalāpino bhavissanti ahetuappaccayā, , abhijjhāluno bhavissanti ahetuappaccayā, byāpannacittā bhavissanti ahetuappaccayā, micchāditthikā bhavissanti ahetuappaccayā.

- ahetum appaccayam³ kho pana bhikkhave sārato paccāgacchatam na hoti chando vā vāvāmo vā, idam vā karanīyam, idam vā akaranīyanti. iti karanīyākaranīye kho pana saccato thetato anupalabbhiyamāne mutthassatīnam anārakkhānam viharatam na hoti paccattam sahadhammiko samanavādo, avam kho me bhikkhave tesu samanabrāhmanesu evamvādīsu evamditthīsu. tatiyo sahadhammiko niggaho hoti.
- imāni ko bhikkhave tīni titthāyatanāni: yāni panditehi samanuyuñjiyamānāni samanugāhiyamānāni samanubhāsiyamānāni parampi gantvā akiriyāya santhahanti.
- ayam kho pana bhikkhave mayā dhammo desito aniggahito asankilittho anupavajjo appatikuttho sama-

³ahetum - sīmu, ahetu - syā, kam, ahetu appaccayā - pts, machasam

ņehi brāhmaņehi viññūhi. katamo ca bhikkhave mayā dhammo desito aniggahito asaṅkiliţţho anupavajjo appatikuţţho samaņehi brāhmaņehi viññūhi. imā cha dhātuyo'ti bhikkhave mayā dhammo desito aniggahito asaṅkiliţţho anupavajjo appatikuţtho samaņehi brāhmaņehi viññūhi. imāni cha phassāyatanānī'ti bhikkhave mayā dhammo desito aniggahito asaṅkiliţtho anupavajjo appatikuţtho samaņehi brāhmaņehi viññūhi. ime aţţhārasa manopavicārā'ti bhikkhave mayā dhammo desito aniggahito asaṅkiliţtho anupavajjo appatikuţtho samaņehi brāhmaņehi viññūhi. imāni cattāri ariyasaccānī'ti bhikkhave mayā dhammo desito aniggahito asaṅkiliţtho anupavajjo appatikuţtho samaņehi brāhmanehi viññūhi.

- 10. imā cha dhātuyoti bhikkhave mayā dhammo desito aniggahito asaṅkiliṭṭho anupavajjo appatikuṭṭho samaṇehi brāhmaṇehi viññūhī'ti: iti kho panetaṃ vuttaṃ, kiñcetaṃ paṭiccavuttaṃ: chayimā bhikkhave dhātuyo: paṭhavīdhātu āpodhātu tejodhātu vāyodhātu ākāsadhātu viññāṇadhātu. imā cha dhātuyoti bhikkhave mayā dhammo desito aniggahito asaṅkiliṭṭho anupavajjo appatikuṭṭho samaṇehi brāhmaṇehi viññūhī'ti. iti yam tam vuttam, idametam paticca vuttam.
- 11. imāni cha phassāyatanānī'ti bhikkhave mayā dhammo desito aniggahito asaṅkiliṭṭho anupavajjo appatikuṭ-ṭho samaṇehi brāhmaṇehi viññūhī'ti, iti kho panetaṃ vuttaṃ, kiñcetaṃ paṭicca vuttaṃ: chayimāni bhikkhave

phassāyatanāni: cakkhum⁴ phassāyatanam sotam phassāyatanam ghāṇam phassāyatanam jivhā phassāyatanam kāyo phassāyatanam mano phassāyatanam. imāni cha phassāyatanānīti bhikkhave mayā dhammo desito aniggahito asankilittho anupavajjo appatikuttho samaņehi brāhmaņehi viñnūhī'ti. iti yam tam vuttam idametam paţicca vuttam.

ime atthārasa manopavicārā'ti bhikkhave mayā dhammo desito aniggahito asankilittho anupavajjo appatikuttho samanehi brāhmanehi viññūhī'ti. iti kho panetam vuttam, kiñcetam paticca vuttam: cakkhunā rūpam disvā somanassatthānīyam rūpam upavicarati, domanassatthānīvam rūpam upavicarati, upekkhātthānīvam rūpam upavicarati. sotena saddam sutvā somanassatthānīyam saddam upavicarati, domanassatthānīyam saddam upavicarati, upekkhātthānīyam saddam upavicarati. ghānena gandham ghāyitvā somanassatthānīvam gandham upavicarati, domanassatthānīyam gandham upavicarati, upekkhātthānīyam gandham upavicarati. jivhāya rasam sāyitvā somanassatthānīyam rasam upavicarati, domanassatthānīyam rasam upavicarati, upekkhātthānīyam rasam upavicarati. kāyena photthabbam phusitvā somanassatthānīyam photthabba upavicarati, domanassatthānīyam photthabbam upavicarati, upekkhāţţhānīyam phoţţhabbam upavicarati. manasā dhammam viññāya somanassatthānīyam dhammam upavicarati, domanassatthānīyam dhammam upavicarati, upekkhātthānīyam dhammam upavicarati.

⁴cakkhuphassāyatanam - machasam.

ime atthārasa manopavicārāti bhikkhave mayā dhammo desito aniggahito asaṅkilittho anupavajjo appatikuttho samaṇehi brāhmaṇehi viññūhī'ti. iti yaṃ taṃ vuttaṃ idametaṃ paṭicca vuttaṃ.

- 13. imāni cattāri ariyasaccānī'ti bhikkhave mayā dhammo desito aniggahito asaṅkiliṭṭho anupavajjo appatikuṭ-ṭho samaṇehi brāhmaṇehi viññūhī'ti. iti kho panetaṃ vuttaṃ, kiñcetaṃ paṭicca vuttaṃ: channaṃ bhikkhave dhātūnaṃ upādāya gabbhassāvakkanti hoti, okkantiyā sati nāmarūpaṃ, nāmarūpapaccayā saļāyatanaṃ, saļā-yatanapaccayā phasso, phassapaccayā vedanā. vedi-yamānassa kho panāhaṃ bhikkhave idaṃ dukkhanti paññāpemi. ayaṃ dukkhasamudayo'ti paññāpemi. ayaṃ dukkhanirodho'ti paññāpemi⁵. ayaṃ dukkhanirodha-gāminī paṭipadā'ti paññāpemi.
- 14. katamañca bhikkhave dukkham ariyasaccam: jāti'pi dukkhā, jarā'pi dukkhā, vyādhi'pi dukkho maranampi dukkham, sokaparidevadukkhadomanassupāyāsā'pi dukkhā⁶, yampiccham na labhati, tampi dukkham. sankhittena pañcupādānakkhandhā dukkhā. idam vuccati bhikkhave dukkham ariyasaccam.
- **15.** katamañca bhikkhave dukkhasamudayo⁷ ariyasaccaṃ: avijjāpaccayā saṅkhārā, saṅkhārapaccayā viñ-

⁶appiyehi sampayogo dukkho. piyehi vippayogo dukkho -syā. kaṃ.

⁵paññāpeti - machasam.

⁷dukkhasamudayam-sīmu.

ñānam, viññānapaccayā nāmarūpam, nāmarūpapaccayā salāyatanam, salāyatanapaccayā phasso, phassapaccayā vedanā, vedanāpaccayā tanhā, tanhāpaccayā upādānam, upādānapaccayā bhavo, bhavapaccayā jāti, jātipaccayā jarāmaraņam sokaparidevadukkhadomanassupāvāsā sambhavanti. evametassa kevalassa dukkhakkhandhassa samudayo hoti. idam vuccati bhikkhave dukkhasamudayo ariyasaccam.

- katamañca bhikkhave dukkhanirodho⁸ ariyasaccam: avijjāyatveva asesavirāganirodhā sankhāranirodho, sankhāranirodhā viññānanirodho, viññānanirodhā nāmarūpanirodho, nāmarūpanirodhā salāyatananirodho, salāyatananirodhā phassanirodho, phassanirodhā vedanānirodho, vedanānirodhā tanhānirodho, tanhānirodhā upādānanirodho, upādānanirodhā bhavanirodho, bhavanirodhā jātinirodho, jātinirodhā jarāmaranam sokaparidevadukkhadomanassupāyāsā nirujihantī. evametassa kevalassa dukkhakkhandhassa nirodho hoti. idam vuccati bhikkhave dukkhanirodho arivasaccam.
- 17. katamañca bhikkhave dukkhanirodhagāminī patipadā arivasaccam: avameva arivo atthangiko maggo. seyyathīdam: sammāditthi sammāsankappo sammāvācā sammākammanto sammāajīvo sammāvāyāmo sammāsati sammāsamādhi. idam vuccati bhikkhave dukkhanirodhagāminī patipadā arivasaccam. imāni cat-

⁸dukkhanirodham - sīmu.

tāri ariyasaccānī'ti bhikkhave mayā dhammo desito aniggahito asaṅkiliṭṭho anupavajjo appatikuṭṭho samaṇehi brāhmaṇehi viññūhī'ti iti yaṃ taṃ vuttaṃ, idametaṃ paṭicca vuttanti.